

PROPOSITION-
NES TENTA-
TIONVM: SIVE PROPÆ.
DEVMATA DE VITIS ET
FÆCUNDITATE COM-
positorum naturalium: Quæ
sunt elementa chymica.

Animæ rationali sanæ
sapienti, Genio Lectoris
dicta, dicata.

Authore TIMOTHEO WILLISIO
Anglo, Londinæ, Medico.



LONDINI
Excusum per Iohannem Legatt.
1615.

Concedatur verum, quod istis disputo.
Per magnas tam carde meretur gratias,
Cui primus monstravit latenter semitam
Nullis, aut per paucis prius sic peritiam.
Quod si fortassis, non quibusvis hoc ego
apparenter, necesse est apte sat proba,
Hoc vere illis respondeo, illi quomodo
qui non affirmo, et tunc, et non sit disputo.



Animæ rationali

sanè sapienti, Genio
lectoris.

Quod singularem nullum tuto-
rem ad patrocinium huius
categoriae asciuerim, duo potissi-
mum in causa fuerunt. Nam ne-
que ipse hæc vehementer affirmo:
neque illis quenquam aliter astipu-
lari volo, quam prout opinionis li-
bertas induxerit. Opinionem cum
dico, fidem non requiro: sunt enim
Tentationum propositiones. Aud-
acter ideo nimium fecisse videri in-
re possim, si quod ipse probabiliter
tantum ratiocinor, aliis defenden-
dum exponam. Aliera verò causa
est in rei ipsius possibilitate. For-
tasse enim euentus experimenti
huic opinioni fidem præstabit, pro-

Epistola

habilitatemque veritate demonstratiuā coronabit. Quod si contingat, tum veritas ipsa est optima sibi patrona, firmissima tutela. His si iterum addidero causam, quæ est diuersorum capitum diuersi sensus, & præiudicium circa possibilia, omnes causas dixerō. Neque enim recte consultus existimari poterit, qui alium suæ desipientiæ socium, multo magis patronum prælo commiserit, in re non creditā, pro impossibili habitā, utcunque in se aliter certā, & multis authoribus indubitata fidei confirmatā. Hæc autem mihi sic se habere videntur. Neque vlla est in antiquis ab antiquissimis philosophantium aut sophorum siue secta, siue schola, quæ non possit non nimis inuita in nostræ opinionis classes deduci. Harum Propositionum vberiores declarationes iam diu nobis scriptæ, lucem aliquando visuræ, continentur in Tractatibus de investigatione causarum: de possibili perse-

Dedicatoria.

perfectiōne miscibilium ; aliisque nostris commentariis : sed fusissimè, & apertius ad usum practicum in commentatione ecphrastica ad Gebri libros de chemia. Rogatus aliquando à Minerali amico Thoma Russello Sudsexio, dum venam argentariam apud illam magnæ Britannie partem, quæ est Scotia, repertam, nuper in arce Londinensi experiretur, primumque probandarum venarum metallicarum tyrocinium exerceret, scripsi de arte probatoriâ, & declamationem quandam, Quod Boreales regiones sint auri & argenti feraces. In illis aliquid huc conducens continetur.

Occasio huius incudis ortum habuit in umbrâ arboreti æstivos mulcente soles. Contigit enim post deambulationem confessus virorum aliquot musis amicorum. Inter quos, ne bonæ horæ malè perderentur, post varias thesium variarum

Epistola.

delibationes, huius subiecti argumenta Luna nobis super induxerunt cornua. Mihi autem, qui negando non fui, quia esse non debui tot, tantis, tam doctis, tam amicis, id negotii datum est, quod has progenit Tentationum propositiones. Hi id à me peruicerunt, ut premittentarentur, utique à me suppressenda arguerentur. Vicerunt illi. Ego victus illas fortune, & geniorum varietati securus committo. Vos verò, quibus arriserint, illas intelligere, sanèque in his sapere: quibus explosæ fuerint, illas non intelligere, nec sanè in his sapere, si sensero, illud omne, rogo, mea condonetur mediocritati: vestra ascribatur siue facilitati, siue seueritati. Religioni fides debetur: legibus observantia, & obedientia. In artibus & scientiis alia est libertas, multa academia: opinio nulli debet obesse inopinabilibus: qualia sunt propositiones syllogismorum præmissæ

Dedicatoria.

*missæ omnes, quarum conclusiones
quæsitæ ad praxim aliquam diri-
guntur. Multæ autem sunt ad
vnam, eandemque metam via. Qui
aliter sentit, sibi opinionem suam
opinatur. Ego sic sentio, donec aliter
edoctus perdidiscero, cui gratia
sententia sanioris sit habenda. Quod
ubi cognouero, agnoscam certè il-
lam, & habebo. Candor candorem
meretur, candore rependitur. Fæli-
cibus sic aurbus prodite propositio-
nes, geniosque tentate: nulli noxia,
nulli obnoxie ingenio. Vobis vos
pertinaciter constare nulla profite-
mini. Alias parentela vestra pro-
pagines expectate vigiles, si bene,
vel non male, saltem non pessime
vobis successerit.*

Spiritus vnus inest, agitante calefcitis
ipso.

Vt fratres, quorum est vnus & vna
parens.

Ex Leucadelphia,

4. Calend. Iul. 1615.

A 4

**Paucos qui festinantem excusoris di-
ligentiam fugerunt errores, sic
corrigo.**

In fronte Inscriptiois, lin 3. lectorios, lege
lector : 1. pag. 7. lin 10. per quem, lege per
quod : p. 8. l. ante penult. rignis, lege ori-
gines: p. 9. l. . . metalli, lege metalla: p. 21.
l. 5. solus, lege solius: p. 31. l. 16. obviam, le-
ge obvium: p. 37 & 38. propositione 84. le-
gatur sic : perpendentes latere non potest.
Experientia quinta, &c.

*Typographi curas si dampnorum, aliorumque,
vel labor est totus, vel mihi nullus erit.
Si alij fuerit, nec causam dixerit, ipsum
huc esse rationem, quis mihi forte negat?
Iam mihi affirmo, non erit. Forte notori
Haec alij poterant, certum ut doceat.*



PROPOSITIONES
TENTATIONVM,
SIVE PROPÆ DEV-
mata de vitis & fœcun-
ditate compositorum na-
turalium, quæ sunt ele-
menta chymica.

1.

DEVS à naturâ mortali
cognosci non potest: ag-
nosci potest & debet.

2.

Principium primum sapien-
tiæ humanæ est à Deo agnito.

3.

Principium secundum sapi-
entia humanæ est à se cognito.
Prin-

4

Principium tertium sapientia humanæ est à creaturâ cognitâ: vt ex visibilibus cognitâ ad inuisibilis Dei agnitionem ducatur, & ad eundem cognoscendum desiderio æterno excitetur.

5.

Deus dupliciter consideratur. 1. Abstractè. 2. Relatiuè. De Deo abstractè considerato humana ratio nihil cognoscit. Nihil itaque disputare audebit: sed religioso silentio ipsum admirari, suspicere, colere, &c. Deus Relatiuè consideratus est Creator. Hinc creationis, & creaturarum dispositiones. In quibus inchoat, & in quas terminatur nostra Philosophia.

6.

Præter Deum nihil est, quod
initium

Tentationum.

3

initium essendi non habuerit:
Quodque ante tale initium
prorsus non fuerit, tam quoad
esse, quàm quoad existere, phy-
cum, Mobile, &c.

7.

Omnium rerum materia vni-
uersaliter prima simul & semel
ex nihilo præ-existente creata
est.

8.

Illa materia vniuersaliter prima
est chaos, siue abyssus informis
antiquissimorum Philosopho-
rum; & in sacra Genesi dicitur
Cælum & Terra: inane & va-
cuum, abyssus tenebrosa ex ter-
ra & aquis coalita, super qua-
rum faciem Spiritus Domini
ferebatur.

9.

Tota creata hypostasis siue
creatura materialis, in duo di-
uisa est. 1. In partem visi-
bilem

bilem : quæ duo constituit elementa magis corporea, Terram & Aquas. 2. In partem invisibilem, quæ duo itidem constituit elementa, magis spiritua- lia, Ignem, & Aerem. Hinc quatuor elemēta Philosophorum.

10.

Elemēta hæc abyssata in chao, mutua acceperunt, & dederunt Symbola, mutuas dotes, mutuas Potentias, mutuas facultates & sementes : Animarum (de Imagine Dei non loquor) & vitarum potentias habentia à latrone Spiritus Dei super ipsorum faciem.

11.

Separata postmodum elementa non fuerunt abstracte, definite, peripatetice simplicia : sed elementata, animata, vitalia, feminibus vitalibus fecunda.

Hinc

12.

Hinc potentia ad genera distincta, ad species distinctas: ad sementificationem prolificam per Individua, ad conseruationem specierum & generum, per multiplicationem Individuorum. Hinc materia Philosophia prima: Hinc materia & forma Physicorum: hinc genus & differentia Logicorum.

13.

Duo sunt abscondita, vtraq; reuelanda. 1. Vnum gratia. 2. Alterum sudoris. Illud est Deum cognoscere, Foelicitas post funera. Hoc est cognitio creaturarum. Hæc in iplis obuijs, in terrâ nascentibus, in Terram, Aquas, Aerem incolentibus difficilis; Rixarumq; plena. Multò itaq; magis in subterraneis, quorum obstetricationes

cationes nemo hominum vidit
vnquam, vltcrius quàm ratio-
nis ductu inuestigando assequi
probabiliter potuerit.

14.

Hinc locus, & suus honor
experientiæ, empiriæ, atq; ex-
perimentis : vt ab effectibus
sensibilibus demonstratio cog-
nitionis ad causas vel omni-
no certas, vel minimè incertas,
vel maxime probabiles perue-
heretur scientificè. Hinc illud,
Ars longa, Vita brevis.

15.

His medijs statuta naturæ san-
ctio innotuit. sc. Nullū corpus
cōpositum certæ speciei, certi
generis existerē absque vitâ suâ,
animâ suâ (analogum animæ,
ad differentiam magis sic ap-
parentis, aliqui dicunt) semine
suo, naturâ suâ, fæcūditate suâ
ad speciem suam in naturâ suâ.

Vitarum

Vitarum triplex est classis & consideratio. 1. Simplex. 2. Relatiua. 3. Respectiua. Vita simplex est ad hoc ipsum indiuiduum quod uiuit, absque relatione, vel respectu. Sic vnumquodque est sibi proximum, immo solitarium: ad se solum vitam uiuit suam: Illam sibi præseruat, ad vltimos prædestinationis suæ terminos. Sic non nimiū absonā solitudinis metaphorā Mineralia possunt dici Eremitæ subterranei. Vita Relatiua est ad speciem: *Crescite, & multiplicamini*, vnumquodque in specie suâ. Nascitur indigne, per quod non nascitur alter. Hinc appetitus naturales ad sui perpetuitatem. Hinc varia centrorum genera. Hinc amores minerales, vegetabiles, animales, rationales. Hinc semina

mina cuique rei indita statis temporum, & maturitatum periodis, opportunitate datâ, potentiarum suarum actus in scenam mundanam explicant. Hinc inter eccentrica inimicitia, incongruitates, odia, bella. Hinc sympathia, & antipathia, tantâ in amore Philosophorum. Ab hac legis, post incubitum tenebrosum, silentiosum, & vim lationis spiritus Dei super faciem hypostasis vniuersalis, Sanctione, nunquam prouocabit aliqua ex mixtis naturalibus species. Vita Respectiua est indiuidui cuiuspiam ad suâ speciei, & aliarum specierum indiuidua, quoad usus necessariôs in alimentis, medicamentis, iuantibus, nocentibus, &c. applicatio. Hinc artium origens: Inventionum, observationum, experimentorum, tentationum myriades:

riades: sudor vultus. Sic terra propter se, propter mineralia in se: propter plantas & animalia extra se. Sic Mineralia propter se, in se, mutuas in se vices: propter terram: propter aquas; quæ terræ sinus occulit, homo experimentator aperit: propter plantarum, animalium nutrimenta, medicamenta, aliofque ad vsuras hominum vsus. Sic plantæ in multis sibi inuicem commodæ sunt & incommodæ, suamque agunt rempublicam, suâ reguntur Politia etiam in montibus inuisis, solitudinibus inaccessis: eadem extra se mineralibus inseruiunt, animalia nutriunt, curant, ornant, sullêtant, fouent, reficiunt. Sic animalia eundem gyrum gyran, ad se, extra se, ad homines, plantas, mineralia, terram. Hinc victus, vestitus, medicamenta, stercorationes,

B

salis,

salia, &c. Homo tandem horum omnium curam agit, ijs insudat, sudoremque suum ad se, se autem ipsum ad Deum Creatorem refert. Hinc triumphus chymicus, Gloria Georgica, honor Iatricus, Magnificencia mechanica, Rerumque omnium cyclopædia.

17.

Corporum Physicorum, specificè prolificorum, quædam non habent matricem separabilem, quædam vero habent, in generationibus vniuocis.

18.

Quæ non habent matricem separabilem, eorum semina non possunt quouis artis ministerio extra uterum proprium ad generationis perfectionem proferri. Talia sunt omnia animalia,

malia vniuocè generata, non ovipara.

19

Quæ habent seminibus suis retinendis matricem separabilem, possunt arte ad perfectionem in suâ specie generationis promoueri: vt plantæ, volatilia ovipara, Aquatica quædam, Amphibia plurima, &c. Nam licet illarû semina, surculi, &c. possunt vtiliter & fœcundè ad germinationem, & radicum pullulationem feri, seminari: horum ova alio calore, quam matris propriæ incubatu animari, perfici, excludi: Tamen vtrisque testa sua, spermaticaq; materia verum semen prolificum circumuestiens & continens, est propriè matrix: Non terra, non cineres, non arena.

20.

Huius generis matricalium

B 2

sunt

sunt Mineralia : est autem hoc ipso alia plantarum consideratio : Nimirum, quatenus cum mineralibus cōveniūt in sexum indiscriminatione . Hoc enim commune est omnibus generibus, & speciebus, quorum indiuidua non habent motum localem, habentque hæc omnia matrices separabiles : Possuntq; artis ministerio naturæ famulantis in loca matricibus fouentibus & nutriendis opportuna transferri, fecunditatesque suas exoluere, nō minus, immo multo magis, quam de ovis per certa & multiplicia constat experimenta. De his verum est, quod dicit *Aristoteles*, Non referre vtrum generationes fiant in vasis naturalibus, an artificialibus.

21.

Elementatorum motus, mutationes, maturationes, generationes,

rationes,transmutationes sunt
per & propter elementa sua:
elementorum per & propter
qualitates suas: qualitatum per
& propter formam directri-
cem, quæ est compositi intrin-
seca,dirigens ad speciem.

22.

Omne elementum compo-
siti phylici est elementatum,&
compositum, quintæ essentia
tam vniuersalis,quam subalter-
næ,& particularis particeps. Id
est,speciei sui compositi appro-
priatum, quamdiu est in natu-
râ suâ. Eorum elementorum
actio & passio, est in se, ad se,
in specie naturæ generabilis.
Sic homo generat hominem,
equus equum:Pyrus sementat
Pyrû,lactuca lactucam. Quic-
quid diu steterit cum sale fit sal.
In insula *Cypro* æs vegetabile
Aristoteli cognitum, & asser-
tum:

tum : Item aurum vegetabile. Horum demonstratio dependet a primo motore specifico, & est ignis in centro : cuius radiatio ad superficiem est compositi perfectio . Vnde quot modis & medijs potest hic ignis ad motum suum secundum cursum naturæ suæ excitari, & in eodem conservari, tot modis & medijs potest compositū perfici, & perfectio promoveri. Adeoque propter impedimentorum accidentia, & magisteriorum adiumenta, vix quidquam in physicis alterationibus est omnino aut impossibile aut necessarium.

23.

Omne elementatum compositum per mixtionē progreditur, & perficitur : quā calor naturalis, & spiritus specificus insitus per omnia potentiarum
media

media in actum ultimum promouentur.

24.

Mistionis duæ sunt species.

1. Simplex. 2. Composita : secundum quas corpora dicuntur, vel simpliciter mixta, vel mixta composita.

25.

Simpliciter mixta corpora sunt quorum tota perfectio est ex compositione, & mistione. Talia sunt mineralia, vt metalla, & metallica, totaque subterraneorum œconomia.

26.

Mixta composita sunt, quæ præter hanc perfectionem, quam habent ex compositione & mistione, aliam vltiorem ad suæ speciei complementum porro habent. Talia

B 4

sunt

sunt vegetabilia, zôôphyta, animalia.

27.

Misti compositi compositio, quæ est secundum naturam, est debilior quàm misti simplicis: Perfectio autem maior, & perfectiū nobile: Nimirum secundum Animam, scilicet, notabiliter per organa operantem, per facultates suas apparentem

28.

Misti simplicis compositio est fortior & firmior, sed perfectio minor, & perfectiū ignobile, scilicet ex mitionis modo.

29.

Mistorum compositorum est generatio & corruptio vera, per putrefactionem, augmentationem, nutritionem, &c. Et hæc senio contabescunt, vicissitudine nutrimenti conservantur,

tur, & propagatione perpetuantur.

30.

Mistorum simplicium non est eiusmodi generatio & corruptio, sed tantum mistio per coctionem, vel coctio cum mitione, absq; Physicâ nutritionis appositione, cum totius compositi conuersione per coctionem, & mitionem: sicut in fermentatione pastæ farinaceæ: & hæc senio non contabescunt, propagatione tali non perpetuantur; sed absq; excrementitij alicuius separatione in suis locis cum mortali mundi immortalitate fixa perdurant.

31.

In simpliciter mistis, innatâ vi ad speciem dirigente suppositâ, perfectio est proportio, Miscibilia proportionis, qualitates miscibilium, & ultimo Mistio: quæ sequitur ex illarum

rum qualitatum ad inuicem actione, & passione : quæ est aggregatio illarum primarum qualitatum.

32.

Quorum tria prima, sc. proportio, miscibilia proportionis, & qualitates miscibilium sunt causa specificationis, & formarum differentium in omnibus mineralibus; vltimum est causa perficiens cuiusq; speciei in suâ individuali existentia: nam mixtio non est primario ex qualitatibus elementorum, sed ex motu generantis, mediantibus qualitatibus actiuis.

33.

Mista simplicia, minus, & per pauciores differentias seu terminos, siue angulos (vt loquuntur, Plato chymicus, & Hamech) remota sunt à simplicitate elementorum: & in his aliud alio minus: minime omnium,

um, ex constantibus & fixis metallis: & in metallis illa adhuc minimè, quæ maximè homogenea sunt, & maiorem argenti viui quantitatem sunt contentia.

34.

Quæ per pauciores terminos, siue differentias remota sunt à simplicitate elementorum, simplicissimâ consistunt formâ, vix differente a temperamento.

35.

Et illa forma educitur ex potentiâ materiæ.

36.

Modus educendi est coctio.

37.

Causa est actio & passio primarum suarum qualitatum ad inuicem in tali materiâ, & tali coctione. Suas dico qualitates: quia qualia elementa, tales qualitates: elementa autem omnia sunt

sunt in seminibus elementata, specificata, ad speciem per suas qualitates, vi seminis specificâ dirigente agentia, si non impediantur.

38.

Perfectio eorum est mistionis finis: Finis est actus ultimus: (non loquor de fine externo: vt domus pro habitatore) Actus ultimus est forma in formato. Forma est ex misione: Mistio per coctionem: ergo in his perfectio, & actus ultimus est ex misione. Et hoc est primum principium, & fundamentum Artis naturæ administrantis in debitâ materiâ, proportionem miscibilium, & administratione causarum agentium externarum.

39.

Coctio quo temperatior (paritate in materiâ, & cæteris requisitis ad opus naturale suppositis)

positis) & diuturnior, eo sunt
elementa magis subtilia; qua-
litates acutiores, actiuiores;
mistio perfectior, magis fixa:
Forma subtilior. Non magis
forma, sed magis subtilis: vt in
animâ fatui & prudentis.

40.

Coctio reiterata per resolutio-
nem coagulati, & recoagula-
onem resoluti, est causa maio-
ris subtilitatis in actu vltimo:
& hæc est exuberatio, & multi-
plicatio virtutis.

41.

Simplex mistio vel est actus
naturæ solus: vel est actus na-
turæ arte adiutæ.

42.

Actus naturæ solius est pri-
ma mistio desinens in prima
naturali specificâ simplice per-
fectione.

43.

Actus naturæ arte adiutæ
est

est secunda, tertia, quarta, &c.
 Mistio, desinens in suo gradu
 secundo, tertio, quarto, &c.
 sc. exaltatæ seu exuberatæ
 perfectionis naturalis, specifi-
 cæ, simplicis: & reputatur in-
 finita quoad potetiam naturæ:
 & est coctio reiterata ad exu-
 berationem per solutionem, &
 coagulationem.

44.

Metallum est corpus mine-
 rale, fusibile, malleabile, ad om-
 nes dimensiones ductile, &c.
 Simpliciter mixtum, à naturâ
 solâ productum, & in actu suo
 constitutum mistione simplice
 primâ: Perfectibile in maiore
 subtilitate eiusdem actus per
 naturam arte adiutam in mi-
 stione simplice secundâ, tertiâ,
 quartâ, &c. specificè exuberatâ.

45.

Metalla differunt specie: &
 quodlibet est in suâ specie per-
 fectum. Diffe-

46.

Differentia metallorum specifica est ex propriâ cuiusque formâ.

47.

Perfectum & imperfectum in metallis dicitur, non respectu specierum & formarum specificarum, sed respectu communis eorum materiæ diuersimode affectæ, & appropriatæ in actione & passione, seu obedientiâ & resistantiâ, quoad nostram intentionem. Quæ materia communis potest etiam dici generica, & vocari materiale genus, vel generica materia.

48.

Metalla omnia habent eandem genericam materiam, in quam omnia & singula sunt resolubilia : & hæc materia in vnaqua; & qualibet specie (intelligendo vnumquodq; esse
in

in sua specie purum) est perfecta vel imperfecta secundum modum missionis, quæ sequitur mensuram & gradus coctionis, & temperaturam regiminis in causis agentibus, &c.

49.

Quodlibet metallum intelligitur duas habere formas: Potentialem, vel genericam, propriam genericam, seu communem materiam, quæ est in omnibus indefinita. Hinc nascitur, & est potentia transmutationis, quâ quodlibet metallum in quodlibet æquâ & promiscuâ metamorphôsi transmutari potest, & argētum vivū in vñquodq;. Altera forma est specifica, quæ actu est: & est perfecta in quolibet in suâ specie: sed quoad nostram intentionem solummodo in auro, & argento.

Specificam

50.

Specifica auri forma, nascitur, seu educitur ex potentiâ materiæ per coctionem: & est tota pura, homogenea: sicut est totius cõpositi tota substantia.

51.

Aliorum metallorum cuiuslibet forma educitur ex potentiâ materiæ per coctionem: quæ forma est impura, heterogenea: sicut totius compositi substantia etiam est, quæ est aggregata ex heterogeneis substantiis. id est, ex materiâ genericâ, purâ, homogeneâ, æqualiter fixâ in suo gradu cuiusque speciei: & ex specificâ materiâ impurâ, heterogeneâ: non fixâ, vel non æqualiter fixâ, genericæ superueniente in primâ mitione, ipsamque inficiente, & specificante in differentes específicas perfectiones ab illo actu, quem nos per excellentiam

C

am

am prærogatiuæ dicimus perfectionem, quæ auro inest.

52.

Hæc superueniens heterogenea materia est in primâ coitione elementorum mineralium mixta & vnita in radice cuiuslibet metallorum eorum, quæ dicimus imperfecta. Quæ procedente coitione corpus acquirit, & concorporatur cum communi metallicâ materiâ in verè vnum idem essentialē completum compositum.

53.

Superueniens hæc materia, à primâ mixtione inhærens, in radice mixta & vnita tam altè materiam communem infecit, quòd separari ab eâ, & auferri non possit, absq; medicina eradicante, & transformante: hoc est, còpositum transspecificante.

54.

Heterogenea superueniens materia, in radice non sic mixta,

ta, & vnita, sed quæ procedente
coctione corpus in composito
efficitur, vel cum composito
concorporatur, tolli & separari
per artificium potest absq; hoc,
quod compositum transspecifi-
cetur. 55.

Quâ materiâ superueniente,
non in radice mixtâ & vnitâ,
sublatâ, remanebit solâ materia,
seu pars substantialis cuiuslibet
metalli transmutabilis, & elixi-
rabilis

56.

Vnumquodq; metallum po-
test resolui in materiam cocti-
bilem, coagulabilem.

57.

Quæ materia duplici cõside-
ratione considerari debet. Pri-
mò secundum materiæ actû:
secundo, secundum eiusdẽ po-
tentiam. 58.

Considerata secundû actum
præsentem, sic est vnus certæ
speciei definitû, & determina-

tum indiuiduum: quod per debiti vniciq; in operatione regiminis coctionem, potest reduci in priorem suam specificam perfectionem, simplicem, vel exuberatam.

59.

Eadem considerata secundum potentiam materię, est quid indefinitum, indeterminatum, nullius certę speciei: sed indiuiduum vagum, definibile, determinabile in quamcunque sui generis proximi speciem, per transmutationem animatiuam.

60.

Et proinde metallorum transmutatio est epicęna, promiscua, reciproca, cuiuslibet in quodlibet, in potentiã naturę infinite circuibilis, reducibilis, &c.

61.

Ergo omnium, & singulorum metallorum pars transmutabilis,

tabilis, & exuberabilis, est solum illa communis omnium materia, & est metallorum mercurius, seu argentum vivum.

62.

Et quia actus ultimus, seu perfectio cuiusq; speciei in individuis per coctionem producit: ergo coctiora sunt perfectiora, & coctissima, perfectissima: modo omnia fiant secundum cursum naturæ. sc. in utroq; termino. Id est, resolutione, & coagulatione.

63.

Et quia coctio coagulat, & coagulatum potest resolui, & resolutum recoagulari, hæc talis materia necessario erit perpetuo coagulabilis, resolubilis, recoagulabilis, &c. in perpetuo circuli motu.

64.

Et hoc est fundamentum practicæ multiplicationis anti-

C 3 quorum:

quorum : In virtute solum absque appositione materiae nouae : In virtute, & quantitate simul cum appositione, seu additione pluri materiae.

65.

Quominus aliquid in quauis specie huius generis abest, seu deficit ab ultimâ possibili perfectione exuberatae subtilitatis in suâ specie, eo citius & facilius potest in eadem perfectione listi, & perfici.

66.

Ergo facilius & breuius erit opus ad exuberatam perfectionem auri in auro, quam in quouis alio: & in auro solo, quam in misto: quia ipsum sibi est propinquissimum. Et omnis auri impuritas, & imperfectio est pagamentum quoddam: Id est alterius, vel aliorum metallorum admixtio.

67.

Hinc patet Iudiciū & veritas de mixturis corporū, spirituum, calcium:

calcium : mercuriorum, &c.

68.

Et quandoquidem vltima perfectio est vltima, seu maxima subtiliatio, exuberatio quæ perficit, etiam subtiliat : & sic breuius & facilius erit opus in exuberato, quàm in non exuberato : & sic in magis exuberato in omni gradu.

69.

Et quia subtiliatio est præparatio ad solutionem, sequitur, quòd corpus exuberatum sit facilioris solutionis, quàm non exuberatum : & exuberatum magis, & maximè, facilioris, & facillimæ solutionis.

70.

Et hoc est fundamentum multiplicandæ virtutis, Aquæ permanentis, & omnium essentialium menstruorum, & menstrualium chymisophorū. Nam quod coagulatum fuit menstruum resolubile, post so-

C 4

lutionem

lutionem fit menſtrum ſolu-
tum & ſoluens : & hoc in per-
petuo circuli motu, pro inex-
pleto materiæ appetitu, ſemper
alterabile, corruptibile, regene-
rabile, &c.

71.

Et quia in hâc reductione
perfectio eſt ex miſtione per
coctionem, Mixtum in coctio-
ne reductum erit corpus ſecun-
dum meritum materiæ, ſc. ſe-
cundum veram eiſdem radi-
calitatem, & miſcibilia propor-
tionis, ſc. vel homogeneous,
pulum, &c. vel heterogeneous,
impulum, &c. ſecundum in-
tentionem noſtram.

72.

Et, quia ſolius auri materia
eſt ſimpliciter homogenea, re-
ſpectu aliorum metallorum,
Quicquid à materia auri hete-
rogeneum in composito fuerit
commixtum, ſeu additum, effi-
ciet

ciet compositum, quo minus sit purè aurum, simplex, vel exuberatum: nisi in canonicis animationibus.

73.

Et, quandoquidem aurum est Anima & Animans, siue Animator omnis metallicæ materiæ, si ipsum sit in compositione, seu mixturâ, vincet & convertet totam massam compositi in aurum, magis vel minus, secundum proportionem, Regimen coctionis, & causarum agentium. Hinc animationes canonicæ.

74

Quòd si in primâ coctione tota illa massa materialis non reducatur in perfectionē quæsitam, ex defectu vel non satis aptâ ratione proportionis, regiminis, adaptationis materiæ præparatæ, præparâtis, præparatiuæ, disponentis, &c. Tamen

men per eandem rationem in iteratis coctionibus tota perficietur, & reducetur.

75.

Et sicut in aurum perfectionis simplicis primò reducitur : sic, per eiusdem operis iterationem, maiori coctione canonicâ fiet aurum plusquàm perfectum, exuberatum, elixiratum, projectibile. Nam sicut parum, sic minus, & minimum : sicut magnum, sic maius, & maximū in eadem specie, materiâ, modo, iisdem causis, & cautionibus semper sequetur.

76.

Ergo aurum solum est sola, vnica, & simpliciter necessario requisita natura, & materia lapidis, seu elixiris maioris auri-fici.

77. Quod si alterius cuiuscunq; speciei metallū aliquod, per præcedentes artis præparationes

tiones, supra auri subtilitatem subtilietur, (nam aurum in suo primitiuo corpore subtilius est quouis alio metallo, in suo primitiuo corpore,) Tum tale metallum, sic subtiliatum, seu attenuatum, quodcunq; fuerit, cōuertet, & transspecificabit aurum in metallum illius (sic subtiliati) speciei.

78. Et sic de singulis metallis in conuersione actiue & passiuè intelligere debemus.

79. Ergo omnia metalla sunt subtiliabilia, attenuabilia, elixirabilia: & possunt singula reciproce quodlibet in quodlibet conuerti.

80. Et, quia subtiliatio est ex coctione; cum conseruatione specificæ essentiae: & coctio desinit in coagulatione: & nihil metallicum est coctibile, & coagulabile, cum conseruatione specificæ essentiae metallicæ,

licæ, nisi pars mercurialis, in mercurium resoluta: sequitur, quod solummodo mercurius metallorum est exuberabilis.

81.

Ergo vltima præparatio chirurgica desinit in mercurizatione: & prima præparatio, seu operatio philosophica incipit in mercurio: & totum philosophicum mysterium peragitur & reuelatur in mercurio.

82.

Vltima perfectio, quamuis formæ attribuatur per intellectum abstrahentem ipsam à materiâ, tamen realiter est totius compositi concreti ex materiâ & formâ per qualitates elementales: quæ sunt formæ in suis actionibus instrumenta, quatenus forma est principium motus interni: sed compositi instrumenta, quatenus ipsum totum agit, patitur, & perficitur.

Et

83.

Et sic quando dicuntur qualitates acutiores, & subtiliores, & forma acutior, intelligimus totum compositum esse subtiliatum, & attenuatum, & propinquius ad ultimam possibilem perfectionis gradum accedere.

84.

Vnde sequitur, quod in chirurgicis preparationibus, Nulla debeat esse partium separatio: animarum, spirituum, oleorum, aquarum. &c. extractio: sed totius compositi resolutio, cum conservatione naturæ, et speciei essentia. Cuius iudiciū in auro facile, & obuium est. Quandoquidem tota ipsius substantia est mercurius, & tota in mercurium resoluitur eodem prorsus pondere. sed hoc sensui non est æquæ peruium in reliquis: quamuis intellectu, & ratione rem perpendentes. *latore non potest*
latore

Experientia quinimo, effectūq; verissimum comprobatur, specificantia heterogenea in radice, in primā mitione vnita non posse verē separari per vllam artis præparationē, absq; medicinā transformante, &c. quomocunq; materia mercurialis videatur, aut sit mercurius.

85.

Doctrinæ propositionum 73, 74, 75, innititur, & ex eā dependet fundamentum, & ratio chymici Magisterij in totā chrysopœiā, & argyropœiā: itidem operis vniuersalis in omni exuberatione, quotiescunq; repetitā: item operis particularis in omni genere transmutationis, per cementationes siccās vel liquidas, graduations, separationes, extractiones, fixationes, animationes: & minerā multiplicabilis, reducibilis, non proiectibilis, in albo &

& rubeo. Siquidem concoctio, digestio, fermentatio, maturatio perficit omnia in omnibus naturalibus compositis, quatenus composita.

86.

Sic totado-	} Solue,	} tere, co-				
ctrina, magi-			} Coagu	} que, &		
steriū & pra-					} la, Re-	} ne te
xis huius o-						
peris est:	} at.					

87.

Solue per opus manuale, & absq; manibus: coagula per coctionem in philosophorum Athanore, igne suo: Reitera per vtrunque.

88.

Cæterum, quod attinet novum Maium, secundū mundū ex inuitrificabili sale repululascensem, Legito, Intelligito, Recordator, Practicato: Ipsi manuum ad opus applicatione

46 *Propositiones, &c.*
tione exercetor.

89.

Ita eris non Archimagei-
ros in ædibus *Gebri*, verum
Primarius in arce *Hermetis*
œconomus, super tabulâ sma-
ragdinâ rationes summarum
tuarum supputans, veras, sine
mendacio, certas, verissimas.

*Sic mihi hætenus
videtur.*

FINIS.

4
HADES Look'd into.

The POWER of Our Great
SAVIOUR
Over the
Invisible World,
and the
Gates of Death
Which lead into that WORLD.

Considered, In
A SERMON
Preached at the Funeral
of the Honourable,
Wait Winthrop Esq;
Who Expired, 7 d. IX m. 1717.
In the LXXVI Year of his Age.

By C. MATHER, D.D. & F.R.S.

*CHRISTE potens rerum redeuntis conditor ævi,
Vox summi sensusque DEI, quem fudit ab alta
Mente Pater, tantique dedit CONSORTIA REGNI.*
Claud. de Christ. Servators.

BOSTON: Printed by T. Crump, 1717.